

In comitijs Cantabr: Jul: 6.^o 1607. ~

*Qualitates occultæ cœlitus ducunt
originem.*

Philosophe, humi quid prona figens lumina,
Sordi vsq; inhærens terræ,
Disquiris istuc qualitates abditas
Indagine anxîa nimis?
Quin cœlicas pernice pennâ transuolas
Sagacis ingeni domos?
Cum forma cœlo nempe quæq; deflua,
Quin defluæ insimul fient
Formam sequentes qualitates additæ
Haud ambigis, qui haud desipis.
Formam has sequi neges? sequi has formam liquet,
Speciem quod in totam cadant.
Vt quidq; puritate cœliformius
Est, mox eò has habet magis:
Magne pyxis temperata nautica
Septentrioni obuertitur,
Magnesq; ferri vim trahit, quæq; & refert
Gemma, herba præsentem Deum.

Ergo

Occultæ origo qualitatis cœlitus,
Quidquid nouj contrâ Sophi.

Magia non transsubstantiat.

Qui magicis operare sacris, malè credule Vates,
Carmines res mutans, eia, age, da specimen.
Imò dare haud possis, ni fors generesue, creèsue.
Vis ea naturæ solius: ista Dei.
Sed neq; te Dæmon lactans ludensq; miscellum
Subdolos hoc tantum possiet arte suâ.
Fallendi vetus, atq; instar serpentis a cutum
Cernens acta memor condit, agenda videt,
Semina scit, scit si qua subest in semine virtus,
Temperat artificis semina nota manu,
Miscet & actiuis passiuæ: rei indere formam
Non magè, quàm segeti ruris arator, habet.
Nempe sues qui quondam homines, Dux narrat Achivæ
Non Circe hoc facit; hoc vita suilla facit.
Quin hominem euasisse lupum, tritum ore popelli.
Non Magus hoc dabat; hoc lumina falsa dabant.

Ergo

Nunquam pote est, Magia transsubstantiet,
Quidquid leues contrâ Magi.